



UNIVERSITÄTS-
BIBLIOTHEK
PADERBORN

Universitätsbibliothek Paderborn

Pretiosae Occvpationes Morientivm In Societate Iesv

Nádasi, János

Romae, 1657

Cap. XXXVII. Paratum esse in horas: nec mortis genus curare.

urn:nbn:de:hbz:466:1-45415

narrantis) & ibi vidit animam quandam, splendido amictu velut solis radijs vestitam, & circumdatam varietatibus viridibus: & intellexit esse animam cuiusdam Coadiutoris, qui in Societate vixit septennio.

Nierenib.
Alcer pag.
174.

C A P V T X X X V I I .

Apparatio quarta: Paratum esse indies, & in horas; neq; curare, quo mortis genere, sed quàm sanctè mortem obeas.

1 **P** Michaël Ochoia, sanandarum diuinitus infirmitatum donec præditus, morbo ex lapsu in quæstuosà pro animabus excursionem contracto extinctus est. P. Gonzalvi Alvarez naufragio hausti cadauer à mari eiectum, in littore genibus niti reperi- tum, manibus eleuatis in cælum. P. Ioannes Maldonatus repertus in lecto mortuus, morte sibi imminente præuisà; & quotidie quin- quies ob oculos sibi posità; vt videret num- quid esset quod sibi morienti anxietatis ali- quid posset afferre.

Hist. p. 43
l. 3. n. 91.

21. Iulii
1573.

5. Ian.
1583.

2 Ioannes Baptista Coadiutor, quem olim in vocatione tentatum Beatissima Deipara cum S. Petro Apostolo, et S. Barbarà fidei aduocatà, inuisit, et in statu in quo esset, vt perseueraret hortata est, in quo vitam esset consecuturus æternam; admirabili postea cum

Annua
Granat.
1619.

Cadit ex
arbore, &
moritur.

1637.
ætat. 83.

21. Ian.
1656.

cum Deo familiaritate; orandi, se afflicti, ac lachrymarum dono, et multis de Dæmone minas horridè intentante victorijs nobilis, exemplum fuit inter primæ notæ exempla reponendum: Hic in suburbano prædio, cum fructus ex arbore in vsus Collegij legeret, lapsus, et eodem die viatico relictus diem finijt; id quod petijfle à Deo dicebatur, vt ne molestus esset domesticis ægrum curaturis.

3 Rothomagi *Simon Ioly* consummatæ virtutis laude celebratus, ipso S. Thomæ Apostoli die in templo, pro more, Angelico pane relictus, circa meridiem flexis humi genibus, situ Rosarium *Deiparæ* Virgini recitantis, exanimis est repertus. Moguntia P. *Ioannes Lauardus* concionem ab illà sententia exorsus: *Vigilate itaq, quia nescitis diem, neq; horam*; per quartam horæ partem dixit, et catarrho apoplectico oppressus, è suggestu asportatus, extremum vnctus, nec amplius locutus, extinctus est.

4 M. *Guilielmus Alseliers* Alofti cum apud se cuiusdam ægri variolis cooperti, et alterius, qui è Societate abitu meditabatur fortem componeret, ac vtramq; animo ponderaret, ad eufq; toto animo exarsit, vt non quàm parùm amœnâ, verùm quàm solidè bonâ morte de vita discederet sollicitus, ad augustum domi hospitem in Eucharistia Iesum in supplices preces effusus abierit, ac flagrantissimis

tissimis modis expetierit, illo potius morbo ac morte corripitur, quàm aliquando de Societate deferendâ cogitare. Tulit pretium desiderij tam sinceri: nec multo post tempore, desiderato morbo ac morte perfunctus est.

22. Oct.
1632.

5 In Collegio Pictaviensi P. Ambrosium Ioly leuiter inflexo ad focum corpore, venâ disruptâ sanguis pleno impetu præceps, sibi præsentem, ac periculum aduertentem, atq; poenitentia causa, quâ poterat contentione, vt absolueretur, exclamantem *mea culpa*, breui temporis interiectu suffocauit; magnæ omninò virtutis virum, quiq; se ad mortem quotidie studiosè planè comparàrit. Quippe ipso, quem supremum habuit, die dixit; sibi familiare id esse atq; perpetuum, vt quotidie trium indulgentiarum lucra colligeret, peractis accuratè pro sua tenuitate ijs, quæ ad sacrosanctum illud animi compendium requiruntur.

24. Nou.
1623.

Venâ disruptâ moritur.

Indulgentiarum lucra plura quotidie.

6 P. Paulus Ioseph Arriaga se in Societate Iesu ita gessit per omnem vitam, vt facile persuaserit verum esse, quòd à spectabili sibi Deipara esset ad Societatem accitus. Hic in sinu Mexicano, naufragio sæuiente, quasi sui securus, expiatis omnibus, cùm nihil iam videret sibi superesse officij alijs impendendi, se sibi concessit. Tum in quadam nauis parte mortem statuit opperiri. Ergò supplicabundus in genua se demittit, & in Crucifixi am-

6. Sept.
1622.

Inuenitur mortuus in amplexibus Crucifixi;

O o plexu

plexu orat: ac velut Moyses in osculo Domini animam relicturus inter vulnera, dum toto osculo hæret ad Crucifixi latus & cor, expirat. Reliquit anima corpus in genibus, atq; in illo amplexu. Nec erat, qui auderet attingere, præreptum alijs, vt citra agonem, fluctuum moreretur. Vbi fluctus in nauim, liberiùs sunt bacchati, corpus P. Pauli abstulere in mare, diu fluctuans in Crucis amplexu. Nempe, *dicite iusto quoniam benè*, vbi demumcunq; vità fungatur: & dicite impio, quoniam malè, quantumlibet pretioso in lectulo mortem obeat minimè pretiosam.

7 Neq; illud anxie introspicendum; cur quidam dolorum plenà, & velut inquietà morte decedant. Certè Christus ipse clamans expirauit. P. *Didacus Martinez*, de quo aliàs, vltimo die, quem crastinum fore verè prædixit, grauiam sibi dixit subeunda esse tormenta. Iacebat illo die velut gelidus, absq; vlla vitæ significatione in venis. Aiebat; se intus igne quopiam vri, ac velut piaculari flammà, cruciamentisq; lustrari, tantà doloris significatione, vt miserando spectaculo fuerit ijs, qui aderant attoniti. Aiebat, exaggerari sibi poenas illas plùs quàm posset dicendo id exequi. quare preces pro se, preces ab omnibus fieri impensius postulauit. Recitatae ab omnibus Litanie, ac animæ commendatio. Rectori deinde retulit; se iam
coram

coram decretorio throno stetit: necdum esse datam sententiam. quapropter pergerent, agonem suum ardentissimis precibus adiuuare. Sed ad mortes præcipites redeamus. Ioannes Niquettus Biturigensis Collegij fundator in Societatem quidem admissus non est, eò quòd per ætatem nostris munijs par non esset; inter nostros tamen degebat, tanquam de Societate esset. Hic anno 1580. paulò ante piè cum quodam de Patribus de morte collocutus, in scabello officium diuinum 8. Kal. Martij recitans, repentinò expirauit. Feliciter id illi euenisse spes magna est: quia hesternò die S. Synaxi refectus fuerat; eodìe diuino sacrificio interfuerat; & paucis ante diebus Patri Ioanni Maldonato narrauerat; *visum sibi secundùm quietem apertum cælum; seq; ad gaudia euocari æterna.*

Sachin.
n. 197.

8 In Pernambucensi Brasiliæ Collegio frater vnus à prandio cùm valens esset, atq; integer, ad signum Salutationis Angelicæ ante omnium oculos exanimis corruit. Solatio tamen fuit, quòd fuerit virtutis exemplum. Iubilæum recens acceperat: ac demum ita animo videbatur affectus, vt gratulandum potiùs illi sit, quàm eius causà dolendum, vt Patres inde in literis perscripsere.

1574.

Sub signo
ad Aue
Maria
moritur.

9 P. Franciscus Cardoso in Lusitania Concionator dicendi gratià præstans, at virtute præstantior; in Vlyssiponensi Professo-

Mortuus
reperit
librum,
ostendens.

rum Domo ab ædituo illum ad Sacrificium celebrandum euocante mensē suę in cubiculo assidens mortuus est repertus. Acciti alij reperere illum porrecto in apertum librum (erant Biblia, vel Missale) digito, impressa istic hæc verba monstrantem: *Beati mortui, qui in Domino moriuntur.*

Ann. Calif.
1607.

1. Oct.
1655.
ætat. 73.

Annæ
1614.
p. 192.

10 P. *Iacobus Molerus* Rolarium diuinæ Matri religiosissimè recitans, extremum spiritum efflavit. Colonia P. *Adrianus Horn* vlt. Sept. vesperi Sanctorum distributioni adfuit; Patri, cui eo mense in preces commendabatur palàm, se priuatim enixè commendavit; Socio alteri valedicens dixit: *Sancti Angeli Custodiant nos*: manè placidè extinctus repertus est, læuà *Deipara* corollam tenente, ita vt omni nocte consueuerat. Eius laudes annuæ celebrant, à pietate, innocentia, suauitate, erga regulas tenerà religione, ac reuerentià. Compluti *Petrus Vellon* Coad. festis diebus horas octo, & interdum plures, coram SS. Euch. Sacramento orationi dabat. Et ibi flectentem, ac orantem occupavit præclara mors.

11 Frequentia sunt repentinæ mortis exempla à Sanctis etiam obita, quæ nonnulli è Sanctorum vitis collegere. Sancti *Amatus, Cassius, Faustus, Virgilius, Garganus, Leontius, Stylita, Felix, Iuuentius, Vincentius, Galdinus, Decorosus, Gauden-*
tius,

tius, Agatonicus, Belinus. Cathar. Virgo filia S. Brigittæ, Demetria, Theoclia, Sabina, Hilaria, & alij ac aliæ in sacris fastis, sic obiisse feruntur. Et sæpè talis mors melior est quàm si lenta esset; estq; ad vitam.

C A P V T X X X V I I I.

Apparatio quinta ad mortem felicem; adesse moribundis: ut ab ijs mori discas, eosq; inues.

Profuit *Dominico Ferdinando* nostro quòd moribundo *P. Petro Manricio* adfuerit. Incessit ab illo spectaculo & illum cupido moriendi, cùm Patrem adeò religiosè, compositè, ac sanctè mori videret. Petijt ergò, vt, cùm ad *Dei* conspectum venisset, precaretur, vt ipsum quoq; ex hac vita plaeeret abducere: quod *Manricius* & promisit, & præstitit. Quarto post mense desiderio moriendi anxius *Dominicus*, moestum se aiebat, quòd cùm exorandam sibi à *Patre Manricio* moriente mortem præstolaretur, differri nimium videret spes suas. Iam quartum agiensem; & nihildum agere *Manricium*, ex eo, quod se acturum recepit: se enim viuere. Sed vix domum (foris hæc socio dixerat) reuertit; cùm prostratis sensim viribus lecto se dare coactus, speratà atq;
impe-